

欽定大清會典事例

欽定大清會典事例卷二百七十六

戶部

蠲恤貸粟一

貸粟○康熙三十年

諭山西平陽府岳陽等八州縣被災人民將五臺崞縣
儲米借給○又覆准山西省平陽府聞喜等十五縣
被災將太原大同二府屬買存捐米借給○三
十一年覆准山東省存儲捐穀二十八萬九千
餘石酌量借給窮民接濟春耕○又覆准山西
省聞喜等縣捐項將竣饑民日增飭各州縣將

分儲米價。借給窮民。○又覆准。陝西省西鳳二府屬疊遭荒旱。動支州縣捐銀借給。以為籽種之用。○三十五年

諭直屬寶坻等州縣被水。今年錢糧業已免徵。無可蠲恤。該撫責成賢能地方官。確查實係窮民。借支倉米。務令均霑實惠。不致流離失所。○三十八年覆准。直隸省贊皇縣。向因土賊為害。居民逃避。今漸歸鄉里。失業已久。資生無術。暫動倉糧借給牛種籽粒。○四十一年覆准。將西甯運送西安糧米。借給本地窮民。○又覆准。山東省海豐等州縣

被水。於積儲糶三存七米穀。借糶並行。以濟窮民。○四十三年覆准。將

盛京所存米穀。酌量借給打牲烏喇人戶。○又覆准。河南省現存倉穀。每年將一半存倉備賑。一半借給窮民。○四十五年題准。近京州縣米價漸昂。已將常平倉米穀動十分之三減糶。其有實在窮民無力買米者。亦於三分之一酌量借給。○四十七年題准。河南省各州縣常平倉存儲米穀。每年以三分之一出陳易新。今將新儲倉穀。亦照常平倉之例。不必限定借數。

隨民便借給。○六十年覆准。直隸省大名府長垣等四州縣。因黃沁水溢。秋禾被淹。貧民乏食。該州縣將存倉米穀借給。如有不敷。於截留漕米內動支。○又貸黑龍江被災之兵丁水手人等口糧。○又覆准。陝西甘肅二省。五十九年夏秋被災。今值春耕。撥解庫銀二十萬兩。借給籽種。○雍正三年。貸山東省被水之曹魚臺三縣常平倉穀。○又覆准。直省州縣。遇借給民糧之時。有貧乏兵丁需借米穀者。該管官詳報督撫。一面報部。一面批行該州縣查驗得實。取具該

管官弁印領借給。○又議准出借米穀。務令各州縣官按名面給。秋熟之後。按戶繳還。若胥吏蒙混捏名虛領。追欠無著。將捏領之胥吏從重治罪。其所欠米穀。即於該州縣官名下追還。並照失察例治罪。○七年題准。廣東省潮州城守饒平。平鎮三營。照例於青黃不接時。將買存倉穀借給窮兵。○八年題准。陝西省西安府及直隸省蔚州。被旱被雹。居民乏食。動用存倉社穀。蔚州並動用存儲晉省兵米。酌量借給。○乾隆

二年

諭各省出借倉穀。於秋後還倉時。有每石加息穀一斗之例。如地方本非歉歲。循例出陳易新。則應照例加息。若值歉收之年。國家方賑恤之不遑。非平時貸穀者可比。至還倉時。止應完納正穀。不應令其加息。將此永著為例。○三年題准。廣東省各屬民借社倉米穀。概行停止加息。豐收之年。每石加耗三升。如遇收成稍歉。即將應加耗穀。一併免其交倉。○又議准。各省出借倉穀。仍照舊例。分別年歲豐歉。收息免息。至廣東福建等省。向不收息者。令照舊辦理。○四年議准。出借米穀。除被災州縣。

毋庸收息外。如收成九分十分及收成八分者。仍照舊每石收息穀一斗。其收成五分六分七分者。免其加息。○又議准。出借米穀。如本年收成五分者。緩至來年秋後徵還。收成六分者。本年先還一半。次年徵還一半。收成七分者。本年秋後免息徵還。收成八分九分十分者。本年秋後加息還倉。○五年議准。各省夏月間或有得雨稍遲。布種較晚。必需接濟者。酌借籽種口糧。秋後免息還倉。○六年

諭。自上冬及新正以來。直隸山東山西河南陝西五省

陸續奏報均得瑞雪。春日載陽。土膏滋潤。播種不可後時。著五省督撫轉飭有司。勸導小民努力東作。其有貧乏之家。籽種不足者。量為借助。○七年

諭

上江鳳潁泗三屬連年被潦。民困為甚。著將三屬已

賑貧民。再借予口糧一月。其正月止賑之處。去麥秋尚遠。最貧之民。借予口糧兩月。至五分災不賑者。定例於春月酌借口糧。統於秋成還倉。若近處米穀不敷。由遠處撥運。恐緩不濟急。即照例用銀折借。○又

覆准。江蘇省所屬之江浦六合山陽阜甯清河

桃源安東淮安大河興化銅山沛蕭邳宿遷睢

甯海沭陽共十八州縣衛。雨雹水溢。傷損二麥秧苗。除興化一縣外。其餘各州縣衛。皆係上年被水之後。平民補種秋禾。俱屬艱難。應於常平倉項下。或動米穀。或動糶價。借給籽種口糧。所借倉糧。秋成免息還倉。○又題准。安徽省鳳陽臨淮等州縣衛被淹地畝。將來涸出。貧民不能自備麥種。於附近豫省購買二麥。借給百姓。俟豐收之後。分兩年交還。○又

諭江南被災之後。著有司勸諭災民。愛護耕牛。官借給草價以資牧養。○八年

諭江南淮揚徐鳳潁泗等五府一州。上年水災甚重。兵丁食用艱難。准在司庫借支一季餉銀。於今年分作四季扣還。今朕聞各省糧價漸增。若再扣還借項。則食用更苦。著將前借一季餉銀。緩至本年秋成後散給冬餉時扣起。作四季扣還。○九年題准。四川省寬甯縣被水不及十分之四。勘不成災。毋庸議賑。於來歲青黃不接之時。酌借倉穀。以紓民力。○又奏准。四川省西昌縣被水各戶。暨瀘甯被電各戶。均借給倉穀。秋後免息還倉。至南江縣屬被電各戶所借倉穀。俟來歲秋後免息還倉。○

十年題准。江南省鳳臺。潁上。蒙城三縣被雹。在常平倉內借給貧民口糧籽種。如倉穀不敷。即動銀折借。○又奏准。直隸省慶雲縣地瘠民貧。被災之後。耕牛甚少。應給銀三十兩。令天津府知府委官前赴張家口採買耕牛。送交慶雲縣散給無力貧民。田多者每戶給予一牛。田少者兩三戶共給一牛。俾得盡力南畝。廣行播種。○十一年議准。陝西省西安。榆林。葭等州縣。每歲糶三穀內。除出借給外。其餘糧米儘數出糶。交價府庫。以為次年借給出口種地窮民牛具之

需。又

諭直隸鹽山慶雲甯津三縣原屬上年災重之地。先經借給籽種口糧。此時想已告匱。著照大小戶口再借口糧一月。以資接濟。按畝借給籽種粟米四升。以資耕作。○十三年

諭山東萊州府屬之高密平度膠昌邑即墨五州縣。當積歉之後。本年復被水災。民間耕牛不敷犁種。若不豫為籌畫。更恐坐誤春耕。著照乾隆十年直隸慶雲等縣之例。於東省庫貯本年賑濟用贖銀內動撥購買耕牛賞給。俾小民力作有資。以示惠濟窮黎之意。

○十六年

諭今歲浙省被旱成災。米糧昂貴。著加恩將浙省被災各標協營綠旗兵丁。每名借給米二石。俟各省協濟米運到。及截有漕米之日。該督撫分次借給。於十七十八兩年內扣餉歸款。○又

諭朕因浙省甯紹等屬歉收米貴。曾降旨將被災各標協營兵借給米糧。以資接濟。念該省今年旱災稍重。各屬米糧一例昂貴。著再加恩將浙江通省兵丁每名借給一季餉銀。於司庫內動項借給。俟明年夏季後。分作四季扣還。○又題准江南省壽宿遷等州縣

衛。乾隆二四六七八九等年原借籽種口糧牛
草。計未完米穀等項三萬六千二百五十三石
五斗五升。銀九萬六千六百四十七兩九錢五
分各有奇。內應催還米麥等項共一千五百九
十八石三斗八升。銀一千一百八十七兩一分
各有奇。實欠米麥等項三萬四千六百五十五
石一斗六升。銀九萬五千四百六十兩九錢三
分各有奇。實在無力完繳。應准豁免。○十七年
奏准。各省被災貧民。借給籽種口糧。夏災借給
者。於秋後免息還倉。秋災借給者。於次年麥熟

後免息還倉。均扣限一年。自十七年為始。扣限造報。以昭畫一。○二十三年

諭各省倉儲。向例春借秋還。貧民既得資其接濟。而秋收後即照數徵收穀石。可以出陳易新。至次年又可查覈待借貧戶。再行借給。若不如期催領完納。而以舊欠作新領。則出借之項。年復一年。不肖胥役從中影射。日久遂致無著。大非慎重儲積賑恤困乏之意。嗣後各督撫務當實力奉行。除緩徵州縣外所有民欠倉穀。令依限還倉。○又

諭山西太原保德等府州屬連歲災歉。民間已鮮蓋藏。

著再酌給兩月口糧。○二十四年

諭甘肅去冬未得透雪。現在東作方興。各屬內有不能及時耕種者。俱借籽種牛具。折價給予。務俾農民早事南畝。以冀有秋。○又

諭陝省榆延等屬。去秋未經被災州縣。二麥歉收之處。准照例酌借籽種口糧。○又

諭甘省附近土司所屬地方。上年被有偏災。著加恩借給口糧三月。分作三年交還。○又

諭直隸固安等州縣。所有被水村莊。著查明按畝酌借倉穀。俾得更換籽種。○又

諭。甘省各屬災地應借籽種口糧。著加恩河西每石折借銀一兩四錢。河東每石折借銀一兩三錢。俾農民耕作有資。○二十五年

諭。甘省上年夏田秋禾俱被偏災。著加恩酌借籽種口糧。俾得耕作。○二十八年

諭。直屬州縣上年秋霖被災較重。深堪軫念。地畝雖經涸出。閭閻或無力播種。著查明有可趕種春麥。或候種大田者。均分別借給籽種。○二十九年

諭。黃梅等處因江水漲溢。民田廬舍不無漫漫。其被災稍輕之處。借給口糧籽種。以資接濟。○三十四年

諭。湖北省上年得雨稍遲。京山隨州二處。雖俱勘不成災。而高阜之區。秋收顆粒不及往年。著借籽種口糧。以紓民力。○三十五年

諭。上年江西濱臨江湖各州縣。田畝閒被水災。其被災較輕州縣。著酌借籽種牛具。俾得及時播種。○又

諭。所有黃梅廣濟漢陽漢川四縣。及坐落四縣之武昌武左黃州蘄州四衛。皆屬被災較重之區。其中有需再借穀種者。仍酌量借給倉穀。以資接濟。○又

諭。江蘇高淳等州縣。閒有被災之處。如有尚需官借牛具籽種。著酌量借給。令農民得以乘時播種。○又

諭豫省武陟縣被水村莊貧乏戶口未種秋麥之地著
每畝賞借籽種銀六分俾資接濟。○三十六年

諭上年浙江濱海州縣猝遇風潮其勘不成災之各縣
場歉收田地貧民有願借倉穀籽本者著酌量借給
於秋成後免息還倉。○三十九年

諭朝邑商南二處被有偏災其被災較輕各處著酌借
籽種口糧以示體恤。○四十年

諭河南武陟縣被水低窪處所收成未免歉薄著查明
被水之地每畝先借給籽種銀六分俾得及時種麥

○四十二年

諭陝西咸甯等廳州縣雨澤缺少。秋禾間有受旱。著加恩將被災極貧者。借給兩月口糧。次貧者。借給一月口糧。在常平倉內動給。以資口食。○四十三年

諭上年河南省雨雪短少。開封等五府屬收成歉薄。入春以來。得雨分寸。尚未一律深透。春麥既未及期播種。現在節過清明。麥苗難望秀實。農民止可盡力大田。著加恩將實在麥地被旱之貧民。酌借一月口糧。並每畝借給籽種銀六分。以資耕種。○又

諭豫省自春夏以來。雨澤稀少。二麥難望有收。著加恩將歸德等府州屬無力貧民。均酌借一月口糧。每畝

借給籽種銀兩以資力作。○四十五年

諭東省曹縣定陶城武三縣被災地畝借給麥本銀兩著加恩即行賞給毋庸徵還歸款。○四十七年

諭陝西朝邑縣河水泛漲村莊多被淹浸其次貧及被災較輕民戶一體借給倉糧。○四十八年

諭江蘇銅山等州縣災分稍輕之處及上元等縣被江水衝漫田畝俱酌借籽種口糧俾得趕種春麥。○五十年

諭淮徐海三屬均為積歉之區上年冬間久晴土燥種麥無多今春雨澤又復愆期以致麥苗未能長發所

有貧民播種無資者。著借給口糧籽種銀兩。俾資接濟。○又

諭。所有被旱最重之銅山等十一州縣實在貧民。著借給兩月口糧。次重之清河等五州縣貧民。著借給一月口糧。所需糧石。即將截留漕米內酌撥。以備賑貸之用。○又

諭。亳州等州縣。因雨澤愆期。農民不能趕種大田。著即分別酌借籽種口糧。其鳳陽等衛屯軍。亦著照坐落州縣一體辦理。○又貸兩淮伍佑新興廟灣三場貧竈口糧一月。○又貸河南省被旱之延津濬滑

封邱考城武陟修武陽武原武九縣貧民口糧
一月並每畝籽種銀六分。○又

諭豫省祥符等二十三州縣其中有受旱較重及連年
被水積歉之區著按畝借給籽種俾資耕作。○又
諭玉門縣遠在關外本屬瘠土邊氓今猝被地震深為
軫念先酌借口糧以資接濟。○五十一年

諭上年浙西仁和等十七州縣得雨較遲收成歉薄今
春東作方興農民播種翻犁未免尙形拮据著再加
恩查明實在貧民酌借口糧籽種。○又

諭江蘇淮安徐州海州所屬雨澤愆期夏秋二熟均屬

失收。江甯揚州鎮江所屬。秋成亦多歉薄。其七分災以下及勘不成災地方。所有實在乏食農民。著酌借籽種口糧。俾艱食者得資餬口。乏種者無誤翻犁。○

又

諭陝西朝邑等州縣。因河水漲發。田畝村莊被淹。其被災較輕之華陰縣。及勘不成災各縣。所有拮据貧民。著加恩酌借口糧。以待春田成熟。○又

諭山東兗沂曹濟等屬被旱成災。其六分災之貧民。及勘不成災之德州等二十九州縣衛。著查明實在無力農民。酌借一月口糧。○又

諭。開封陳州許州光州等屬。上年雖勘不成災。而秋成止有五成。現屆青黃不接。如有拮据貧民。著酌借口糧。以待麥秋。○又

諭。上年直隸被水成災之大名等十六州縣內有地無力貧民。著該督按戶計畝借給籽種。並著查明借給一月口糧。俾資耕作。其勘不成災之正定等七州縣。及成災五成以下各村莊。有需酌借籽種口糧者。一併察看情形。分別辦理。○又貸江蘇省海州場地上年被災貧窶口糧。○又

諭。東省濟南東昌臨清所屬及毗連地方。春夏以來。雨

水短少。麥收不無歉薄。著加恩將被旱稍重之歷城等十九州縣衛。查明借給兩月口糧。被旱稍輕之章邱等二十二州縣衛。借給一月口糧。○又貸湖南省被水之武陵龍陽等縣貧民工本口糧。○五十二年。貸江蘇省上年被水之安東山陽等縣貧民籽種口糧。○五十三年。貸甘肅省上年被旱之狄道河州等五處口糧籽種。○又貸山西省被災之豐鎮等廳暨左雲右玉二縣貧民口糧一月。○又貸湖南省被水之華容安鄉二縣貧民籽種口糧。○又貸湖北省被水之沔陽黃岡

二州縣貧民口糧一月。○又貸福建省被擾之臺灣各處貧民籽種。○五十七年。貸直隸省被旱之獻縣等縣貧民口糧籽種。○又

諭京師於閏四月二十九日大沛甘霖。西北一帶。更為優渥。現仍濃陰未止。想近畿自必一律均霑。現在節近夏至。農民正可趁此普植秋禾。但恐無力貧民。一時趕種。未免竭蹶。所有順天府屬各州縣。除就近傳知該府尹等查明。即行借給籽種外。其直隸被旱地方。現在已經得雨。趕種秋禾之處。並著查明。一律借給籽種。○又貸江西省被水之南昌新建等縣貧民

籽種口糧。○又貸山東省得雨較少之德州等州縣貧民口糧一月。○五十八年。貸兩淮被水之秦海二州貧竈口糧一月。並撥附近鹽義倉內穀二萬七千七百九石八斗。以資接濟。○又貸江西省被水之南昌等七縣兩月口糧。豐城等五縣一月口糧。○又貸安徽省被水之無為州兩月口糧。銅陵繁昌二縣一月口糧。○又貸河南省被水之河內武陟二縣籽種銀兩。○又貸河南省被旱之安陽等十一縣貧民口糧一月。○五十九年。貸安徽省無為銅陵繁昌三州

縣貧民籽種。○又貸直隸省歉收之保定等八十三州縣貧民口糧一月。○又貸山東省歉收之歷城等州縣貧民口糧一月。○又貸兩淮蕩草歉收之東臺河垛二場草本銀兩。○又貸廣東省被水之高要縣貧民口糧一月。○六十年口糧兩月。○嘉慶元年。貸河南省被水之永城縣貧民倉穀。○二年

諭上年河南汲縣等縣被水成災七八分者。著酌量借糶。俾資接濟。○又貸廣東省被水之南海等縣貧民口糧兩月。○嘉慶元年。貸河南省被水之永城縣貧民倉穀。○二年

諭陝西興安府地方。因四川達州匪徒闖入境內。居民

多被焚掠。刻下陝境全就肅清。時當東作。該民人正在復業歸耕之際。而籽種牛具等項。蕩失無存。殊堪憫惻。著加恩各借給籽種牛具。以資耕作。○又貸江南省被水之淮。徐海三府州屬貧民口糧兩月。○又貸山東省被水之單魚臺濟甯三州縣。並臨濟二衛及金鄉滕嶧鄒嘉祥五縣貧民籽種。並口糧一月。○又貸江蘇省被水之碭蕭等縣貧民籽種口糧。○四年。貸山東省上年被水之曹單城武等十州縣貧民口糧一月。○又貸湖北省被水之天門等州縣貧民籽種。○又

諭山東本年夏秋雨水較多。各屬被水緩徵之戶。著該撫照例酌借麥本。並量給口糧。以資接濟。統於來年秋後徵還。又貸兩淮被水之富安等五場貧竈草本。又

諭直隸文安大城二縣被水淹浸。現在低窪處所。積水未消。著將查抄和珅家人呼什圖米麥豆穀雜糧一萬一千六十五石零。賞借被水村民。作為口糧。其已涸之地。無力購種者。即於此內借給籽種。均俟豐收年分。再行免息交倉。○五年。貸湖北省上年被水之荊門等州縣軍民口糧一月。並按畝酌借籽種。

○又貸陝西省被水之朝邑縣貧民口糧一月。
並涸出地畝籽本。○又貸直隸省被水之文安
清苑等六州縣貧民籽種口糧。○又貸安徽省
被水之鳳陽等四縣衛貧民口糧一月。○六年
奏准各省常平倉穀如遇災歉必須接濟之年。
仍查明果係農民按名平斛面給其無災年分
概不准出借。○又貸直隸省被水之雄高陽二
縣貧民籽種口糧。○又貸山西省被水之平定
汾陽二州縣貧民冬月口糧並明春籽種。○又
貸山東省被水之清平等四州縣衛貧民口糧

一月。又貸湖南省被水之武陵龍陽二縣貧民種麥工本銀兩。○七年

諭江蘇省海州沭陽等州縣。上年被水被旱。節經加恩分別給賑蠲緩。小民自可無虞失所。但念今春青黃不接之時。恐民力不無拮据。著加恩將海州沭陽碭山蕭縣銅山豐縣沛縣等七州縣被災六分五分及勘不成災地方貧民。並清河桃源安東邳州宿遷睢甯句容江浦六合山陽鹽城阜甯東臺興化贛榆等州縣勘不成災地方貧民。均借給籽種口糧。以資接濟。其坐落各州縣衛地屯丁。亦著加恩一律辦理。○

又貸陝西省朝邑。太荔渭南華陰潼關留壩。
沔漢陰安康石泉榆林十二廳州縣災民倉糧。
○又貸甘肅省被水之甯夏甯朔平羅中衛靈
五州縣災民籽種口糧。○八年

諭。漢中興安商州等屬。連年動支兵糧。積貯缺額。窮黎
無可動借。著加恩於司庫地丁項下。按戶借給折色
銀兩。俟麥秋後察看收成分數。仍以折色徵還。至西
安同州等屬倉貯小麥。多有四年以前所收者。因係
無災年分。不准動借。未免有紅朽之虞。著准其暫行
出易。俟麥秋之後。照數買補。以實倉儲。○九年。貸山

東省續被水淹。勘不成災之壽張東阿平陰東平曹定陶城武鉅野並坐落各州縣衛所村莊暨鹽河下游各州縣籽種口糧。○又

諭陝省朝邑華陰二縣被水成災。節經加恩撫恤口糧酌給房費。小民自不虞失所。第念該處涸出地畝。雖經趕種春麥。猶恐青黃不接之時。民力不無拮据。所有朝邑被災之三十一村莊。華陰被災之四十六村莊。著加恩於二三月間一體酌借常平倉糧以資接濟。○又貸陝西省被災之咸甯長安耀咸陽興平臨潼高陵藍田三原富平渭南同官醴泉鄠潼關

澄城華韓城朝邑華陰岐山扶風隴寶雞郿商
邠長武三水郿宜君宜川三十二廳州縣常社
倉糧。又

諭安徽鳳陽等府屬上年間被水旱。秋收歉薄。業將新
舊錢糧分別蠲緩。小民自不致失所。但念東作方興。
麥秋尚遠。仍恐口食維艱。著加恩將成災五分之鳳
陽懷遠定遠壽州鳳臺泗州盱眙五河等八州縣及
鳳陽長淮泗州三衛。於青黃不接之時。賞借一月口
糧。並借給籽種。其勘不成災之宿州靈璧天長三州
縣無力農民。亦著借給籽種。○又貸甘肅省被水之

甯夏平羅秦階秦安皋蘭沙泥張掖永昌靜甯
等十州縣貧民籽種口糧。○十年

諭甘肅皋蘭等州縣。上年被水成災。節經降旨分別蠲
緩撫恤。小民自不致失所。惟念青黃不接之時。民力
恐不免拮据。著加恩將西甯碾伯大通三縣。無論極
次貧民。再賞給一月口糧。其皋蘭金縣靈州甯朔中
衛等五州縣。著酌借兩月口糧。並著查明缺乏籽種
各戶。一體借給。再該省上年尚有被雹之區。雖勘不
成災。收成究屬歉薄。著該督察看情形。將實在拮据
之戶。一併酌借籽種口糧。○又展賑江西省被水之

德化縣桑落赤松二鄉一月並貸南昌新建豐城進賢鄱陽餘干皇子瑞昌宜黃都昌建昌德安湖口彭澤永豐十五縣籽種口糧。○又

諭浙江杭嘉湖三府屬各州縣因上年雨水過多低田閒被淹浸節經降旨加恩發倉減糶賑給銀米將歉收田地應徵地丁南漕等項俱行分別蠲緩惟念東作方興著再加恩將湖州府屬之烏程歸安長興德清武康五縣及坐落烏程縣之嘉湖衛屯田被水稍重田畝實在無力農民酌量借給籽種俾資耕作。○十一年貸直隸省上年歉收之宛平固安永清

東安雄任邱邢臺七縣籽種口糧。○又

諭上年豫省被旱被水成災各州縣。節經降旨加恩。分別蠲緩。其淇縣原武林縣陝州靈寶閿鄉六州縣成災五分之貧民。並新鄉等九縣成災六分之次貧。及毗連災區秋收歉薄之各州縣地方。並著該撫察看情形。酌借籽種口糧。○又

諭安徽鳳陽懷遠等七州縣。本係積歉之區。此內鳳陽鳳臺五河三縣。上年被水被旱。情形較重。又宿州南平廳蒙城縣。因去冬雨雪稀少。二麥未能播種齊全。雖東作方興。恐農民工本不敷。自應量為接濟。著加

恩將鳳陽懷遠鳳臺壽州泗州天長五河七州縣並宿州南平廳蒙城縣及屯坐之鳳陽長淮泗州三衛有地無力農民借給籽種俾資耕作。○又貸湖南省

歉收之澧州東鄉黃絲等二十一垧民田七百二十一頃七十八畝零每畝借給種麥工本銀一錢。○又

諭上年陝西延安等府州屬被旱長安等廳州縣並軍屯處所秋收歉薄節經降旨加恩分別蠲緩撫恤並將成災較重之各州縣於春初賑濟本色糧石小民自可無虞失所惟念本年青黃不接之際民力不無

拮据。著將三水澄城蒲城郃陽耀州高陵延長淳化
乾州武功三原白水邠州涇陽同官醴泉鳳翔岐山
扶風潼關華陰咸陽永壽長武興平各廳州縣成災
八九十分各村莊。借給常社倉糧。以資接濟。其膚施
宜川延長吳堡安定延川等六縣。雖成災。止五六七
分。但該州縣地處邊遠。土瘠民貧。麥收較遲。著一體
借給常社倉糧。並著查明倉貯有糧地方。俱以本色
借給。如無存糧之處。即照出借折色之例。按照部價
折色出借。仍以折色徵還。○又貸陝西省上年被旱
之甘泉保安安塞定邊靖邊榆林葭神木府谷

懷遠綏德米脂清澗中部宜君十五州縣常平倉糧。○十二年。貸安徽省上年被水之宿南平懷遠定遠靈璧鳳臺六廳州縣。及鳳陽長淮二衛貧民籽種。○又

諭上年陝西省留壩鳳縣棧道偶被水災。附近北山北邊一帶。生計稍薄。甯陝洋縣等處。當秋成時。田禾被賊蹂躪。節經降旨分別蠲緩撫恤。地方安堵如常。第念本年青黃不接之時。民力不無拮据。著將膚施安塞甘泉保安安定宜川延長延川靖邊榆林葭州神木府谷懷遠綏德米脂清澗吳堡鄜州宜君洛川中

部等二十二州縣。加恩酌借常社倉糧。以資接濟。其甯陝洋縣城固孝義鄠縣盩厔郿縣。並留壩廳之東南鄉。石泉縣之西北鄉。鎮安縣之西北鄉。寶雞縣之東南鄉。岐山縣之南鄉。西鄉縣之漢江北岸。與留壩鳳縣褒城被水各村莊。一併查明有地之戶。加恩借給一月籽種。無地極貧之戶。加恩賞給一月口糧。咸甯長安兩縣之南鄉。亦著加恩借給常社倉糧。○又貸陝西省麥收較遲之定邊縣貧民倉糧。○又

諭長蘆豐財蘆臺二場產鹽最旺。關繫通綱歲額。此次驟被大風。竈力自形拮据。著借給工本銀五萬三百

一十六兩。分給各竈具領。飭令上緊興修。以資勦晒。

○又

諭大通縣屬番民。被賊番搶劫。生計未免艱難。自應量加撫恤。俾資接濟。所有地畝被踐較輕之古婁陽化新莊各戶番民。著加恩借給兩月口糧。被踐較重之祁家多洛二堡及祁家寺番僧佃戶等。著借給三月口糧。俱支給本色糧石。其興馬納楞隆旺三族貢馬番民。牲畜被劫尤多。著借給四月口糧。放給折色銀兩。以資餬口。兼可置買牲畜。○十三年。貸直隸省上年被水被旱之霸大城安新安

今改

肅甯青滄

大名南樂清豐冀衡水甯晉鹽山高陽任邱十六州縣貧民糧米。又

諭上年陝西鳳翔等縣被蟲被雹。曾經降旨緩徵。第念春間青黃不接之時。民力不無拮据。著加恩將夏禾被雹鳳翔縣之西鄉。汧陽縣之東鄉。洛川縣之東北鄉。及秋禾被蟲咸甯縣之東南鄉。長安縣之西南鄉。鄠縣之南鄉。藍田縣之東西二鄉。藍屋縣之東南西南二鄉各村莊戶口。酌借口糧以資接濟。又貸山西省被雹之河曲縣貧民籽種。又

諭上年湖南巴陵等縣。中晚田禾被旱。當經降旨將

應徵錢漕等項分別蠲緩。第念新歲東作伊始。青黃不接之時。恐民力不無拮据。著加恩將巴陵臨湘華容平江湘陰等五縣民田。衛地成災五分及五分以上地方。實在貧戶。酌借籽種口糧。並將被災不及五分貧戶。酌借籽種。俾資接濟。以助春耕。○又貸安徽省上年被水被旱之宿南平定遠靈璧泗盱盱眙五河當塗繁昌蕪湖全椒十一廳州縣及屯坐之滁州鳳陽長淮泗州建陽等衛貧民籽種。○又貸湖北省上年被旱之江夏咸甯嘉魚蒲圻崇陽通城漢陽黃陂孝感安陸雲夢應城隨應

山。棗陽十五州縣暨武昌等衛貧民籽種穀石。
○十四年。貸甘肅省上年歉收之伏羌甯朔靈
大通四州縣貧民籽種口糧。○又貸江西省上
年被水之南昌新建豐城進賢鄱陽餘干星子
建昌德安九縣貧民籽種口糧。○又貸安徽省
上年被水之鳳陽靈璧泗宿松宿繁昌霍山七
州縣及屯坐各衛貧民籽種。○又貸陝西省上
年被旱之醴泉高陵涇陽三原郿長武六州縣
貧民倉糧。○十六年。貸陝西省上年被災之西
安同州鳳翔三府郿乾二州屬及榆林懷遠葭。

安塞定邊綏德清澗米脂吳堡甯陝南鄭城固
褒城甯羌西鄉十五廳州縣並收成稍薄之留
壩鳳沔洋石泉靖邊神木府谷八廳縣貧民耕
種口糧。又貸山東省上年被水之章邱鄒平
新城東平聊城莘東昌陽穀汶上平度昌邑濰
膠高密濟甯招遠十六州縣衛軍民籽種。又

諭據董教增奏榆林延安兩府屬沿邊各州縣連年歉
收所有農具牛隻率多售賣懇請援照成案動用地
丁錢糧借給出口種地貧民缺乏牛具之家係為邊
地貧民耕作起見著照所請每牛一具借銀四兩自

本年秋收後起。分作兩年徵穀貯倉。每穀一石。抵銀七錢四分。免其徵息。以紓民力。又安定清澗延川甘泉延長安康洵陽等縣請借給籽種。亦著照所請行。
○又貸安徽省舒城巢二縣被水被旱災民籽種。○十七年

諭上年陝西朝邑等州縣間被水電。節經降旨分別蠲緩賑恤。惟現距來秋尚遠。著加恩將原報災分較重之神木府谷二縣酌借籽種口糧。並將極貧戶口展賑兩月。即以折色散放。其朝邑大荔潼關華州華陰渭南甯陝延川鳳翔漢陰榆林葭州懷遠等十三廳

州縣著酌量借給口糧。又甯羌南鄭略陽鳳縣沔縣定遠留壩石泉米脂等九州縣並著酌借常社倉糧其存糧較少之處即以折色出借。○又貸安徽省被

旱較輕之鳳陽壽懷甯太湖鳳臺五州縣貧民籽種。○又貸山東省上年被災之章邱東平東阿汶上濟甯新城鄒平平度昌邑濰膠高密招遠博興壽光堂邑莘館陶臨清邱夏津武城歷城濟陽平原臨邑朝城壽張陽穀聊城博平茌平清平冠高唐恩魚臺三十七州縣及東昌臨清二衛東平一所貧民籽種。其歉收之登州萊

州青州三府屬各州縣並借糶倉穀。○又貸湖北省上年被旱之江夏咸甯嘉魚蒲圻崇陽通城興國通山鍾祥應山襄陽光化荊門當陽十
四州縣暨屯坐武昌等衛所貧民籽種穀石。○
又貸山西省上年被災之保德代岢嵐興嵐靜
樂河曲五寨潞城萬泉十州縣貧民籽種。○又
貸江西省上年歉收之義甯奉新武甯建昌安
義德安瑞昌七州縣貧民籽種。○又貸河南省
被水之孟津孟安陽湯陰內黃滎澤原武陽武
正陽羅山信陽光光山固始息臨漳汲新鄉淇

封邱延津考城二十二州縣貧民倉穀。又貸
江蘇省被水之沭陽桃源邳睢甯海五州縣貧
民籽種口糧。

欽定大清會典事例卷二百七十七

戶部

蠲恤

貸粟二

嘉慶十八年。貸直隸省上年被災之博野。蠡。祁。東。鹿。河間。獻。景。故城。吳橋。元氏。贊皇。邢臺。沙河。南和平鄉。鉅鹿。唐山。內邱。任。永年。邯鄲。成安。肥鄉。廣平。雞澤。磁。開。元城。大名。南樂。清豐。東明。冀。棗。強。武。邑。隆平。臨城。甯晉。深。滄。鹽山。豐潤。新河。龍門。延慶。四十五州縣貧民口糧。○又貸河南省上年被災之湯陰。臨漳。安陽。內黃。林。

武安湛潁潁輝新鄉十一縣貧民倉穀。○又貸
江西省上年被水之萬安泰和廬陵新淦清江
南昌新建豐城八縣災民籽種口糧。○又貸陝
西省被災之南鄭城固洋西鄉甯羌留壩褒城
七廬州縣倉糧。○十九年。貸陝西省上年被災
之西安鳳翔同州郿乾五府州屬並榆林葭懷
遠神木府谷米脂潼關華華陰大荔渭南十一
廬州縣貧民口糧。○又貸江西省上年被水之
廬陵泰和新淦清江豐城五縣災民籽種。○又
貸湖北省上年被災之隨應山江陵公安石首

五州縣及屯坐各衛所貧民籽種。○又貸湖南省上年被水之澧州災民籽種口糧。○二十年貸兩浙上年被旱之下砂頭下砂場青村袁浦橫浦浦東六場竈戶口糧。○又貸江西省上年被災之星子都昌建昌安義德安瑞昌彭澤德化南昌新建豐城十一縣貧民籽種。○又貸浙江省上年被旱之仁和錢塘海甯餘杭臨安於潛嘉興秀水海鹽石門桐鄉歸安烏程長興德清武康安吉孝豐十八州縣及杭嚴嘉湖二衛貧民籽種。○又貸兩淮上年被災之富安安豐

梁塔東臺河塔下溪草堰七場竈戶口糧一月。
○又貸陝西省上年被災之寶雞甯陝孝義藍
田雒南膚施鳳襃城大荔蒲城朝邑華陰華潼
關十四廳州縣貧民口糧。○又貸甘肅省上年
被災之皋蘭靖遠鹽茶靈中衛平羅甯朔七廳
州縣及紅水縣丞所屬貧民籽種口糧。○又貸
山西省上年被災之保德奇嵐嵐興靜樂臨河
曲五寨偏關托克托城十廳州縣貧民籽種。
二十一年。貸河南省上年被災之安陽湯陰內
黃濬河內溫陝靈寶八州縣貧民倉穀。○又貸

山西省上年被災之保德奇嵐嵐興臨偏關河曲虞鄉解平陸芮城安邑永濟臨晉猗氏榮河夏聞喜十八州縣貧民倉穀。○又貸甘肅省上年歉收之皋蘭金靖遠安定隴西平羅西甯鹽茶狄道靜甯會甯通渭甯遠漳靈臺秦安清水寧碾伯大通秦兩當平涼甯夏甯朔二十五廳州縣及花馬池州同所屬貧民籽種口糧。○二十二年。貸江西省上年被旱之清江廬陵二縣災民籽種。○又貸河南省上年被災之蘭陽儀封汲新鄉輝獲嘉淇濬安陽湯陰臨漳內黃永

城十三廳縣貧民倉穀。○又貸山西省上年被災之岢嵐平陸代五臺四州縣貧民倉穀。○又貸甘肅省上年歉收之皋蘭狄道岷隴西伏羌安化甯撫彝武威永昌鎮番古浪大通清水禮徽兩當安西玉門十九廳州縣及王子莊州同所屬貧民籽種口糧。○二十三年貸江西省上年被水之德化縣災民籽種口糧。○又貸河南省上年被災之安陽湯陰內黃滎池陝五州縣貧民倉穀。○又貸陝西省上年被災之潼關華華陰大荔朝邑渭南吳堡靖邊安康洵陽紫陽

白河十二廳州縣貧民籽種倉穀。○又貸甘肅
省上年被旱之靈中衛涇靈臺鎮原甯遠武威
秦秦鞏肅安西十一州縣災民籽種口糧。○二
十四年。貸山西省上年被災之隰奇嵐平魯孟
陽曲太原榆林徐溝靜樂九州縣貧民倉穀。○
又貸河南省上年被水之武陟修武孟安陽湯
陰內黃六縣災民倉穀。○又貸甘肅省上年被
旱之皋蘭西和徽靈臺鹽峯武威肅高臺八廳
州縣及肅州州同東樂縣丞所屬災民籽種口
糧。○二十五年。貸山西省上年被水之保德州

災民倉穀。○又貸陝西省上年被災之留壩略陽瀘關華陰朝邑大荔榆林懷遠九廳州縣貧民籽種口糧。○又貸甘肅省上年被災之成鎮原徽秦泰安西甯平涼甯夏伏羌靜甯涇靈臺甯朔平羅階狄道十六州縣及莊浪縣丞所屬貧民籽種口糧。○道光元年。貸江西省上年被旱之靖安德化德安瑞昌湖口彭澤都昌泰和吉水九縣災民籽種口糧。○又貸浙江省上年被災之富陽臨海甯海建德淳安遂安六縣及杭嚴台州二衛貧民籽種口糧。○又貸山東

省上年被水之嶧濮蘭山郟城濟甯范恩菏泽
夏津武城魚臺十一州縣並德州臨清二衛各
屯莊軍民籽種口糧。又貸陝西省上年被災
之水壽廊二州縣貧民口糧。又貸甘肅省上
年被災之皋蘭甯遠伏羌西和安化甯秦安禮
肅安西中衛固原十二州縣及肅州州同所屬
貧民口糧籽種。二年貸浙江省上年被災之
天台松陽溫安三縣籽種並天台松陽二縣災
民口糧一月。又貸陝西省上年被災之廊大
荔朝邑長安藍田榆林六州縣貧民口糧。又

貸甘肅省上年被災之中衛靈甯夏甯朔平羅靖遠皋蘭渭源安定會甯岷平番西甯甯隴西武威古浪鎮原洮靜甯涇靈臺通渭西和華亭安西敦煌二十七州縣並王子莊州同所屬貧民籽種口糧。○又貸湖北省武昌武左二衛災緩軍幫銀。○三年。貸黑龍江齊齊哈爾城墨爾根城二處上年被水旗丁籽種糧石。○又貸浙江省上年被旱之海鹽長興二縣災民口糧一月。○又貸江西省上年被水之瑞昌縣災民籽種。○又貸陝西省上年被災之岐山藍屋藍田

南鄭南固洋西鄉安康石泉留壩洵陽十一廳
縣貧民口糧。○又貸甘肅省上年被災之靜甯
西甯洮秦狄道甯安定七廳州縣貧民糧石。○
四年。貸河南省上年被災之武陟濬安陽臨漳
內黃滎澤湯陰汲淇陽武汝陽正陽十二縣貧
民籽種口糧。○又貸齊齊哈爾黑龍江墨爾根
三處上年被災旗丁籽種糧石。○又貸江西省
上年被水之德化德安瑞昌湖口彭澤星子都
昌建昌南昌新建進賢鄱陽餘干萬年十四縣
貧民籽種口糧。○又貸湖北省上年被水之黃

梅廣濟監利三縣及屯坐各衛軍民籽種口糧。

○又貸湖南省上年被災之澧安鄉武陵龍陽四州縣貧民籽種。○又貸甘肅省上年被災之皋蘭隴西安定會甯通渭秦武威中衛安西敦煌十州縣貧民口糧籽種。○五年貸直隸省上年歉收之文安大城二縣貧民籽種口糧。○又貸河南省上年被水之汝陽淮甯二縣貧民倉穀。○又貸陝西省上年被災之沔略陽甯羌西鄉安定雒南鎮安七州縣貧民口糧一月。○又貸兩淮上年被水之中正場災民口糧一月。○

六年。貸直隸省上年被災之寶坻豐潤甯河三縣貧民口糧。○又貸山西省上年被災之襄垣縣貧民倉穀。○又貸河南省上年被災之鄆陵湯陰汲封邱淇陽武六縣。並內黃縣所屬村莊貧民倉糧籽種。○又貸陝西省上年被災之略陽榆林中部三縣貧民口糧一月。並米脂吳堡二縣折色籽種銀。○七年。貸直隸省上年歉收之甯河寶坻豐潤玉田開元城大名南樂清豐廣平十州縣農民口糧。○又貸江西省上年被災之蓮花萍鄉宜春廬陵永新五廳縣貧民籽

種。○又貸山西省上年被災之薩拉齊廳貧民倉穀。○又貸河南省上年被災之原武陽武濬武陟四縣貧民口糧一月。並修武封邱二縣各村倉穀。○八年。貸直隸省上年歉收之青靜海滄玉田大名元城南樂清豐廣平九州縣貧民口糧。○又貸湖北省上年被水之江陵監利二縣。及屯坐各衛災民籽種。○又貸山西省上年被災之定襄長治潞城和順四縣貧民倉穀。○九年。貸山西省上年被災之代解二州貧民籽種。○又貸河南省上年被水之上蔡縣災民倉

穀。○十年。貸直隸省上年被災之滄鹽山二州縣貧民倉穀。○又貸甘肅省上年被災之皋蘭狄道西和甯永昌秦秦安清水禮兩當涇崇信靈臺鎮原十四州縣貧民銀穀。○十一年。貸湖南省上年被水之安鄉縣災民籽種。並華容縣貧民口糧一月。○又貸河南省上年被災之武安縣貧民倉穀。○又貸甘肅省上年被災之會甯西和隆德三縣貧民籽種。並兩當崇信二縣災民口糧兩月。○十二年。貸直隸省上年被災之大名元城滄玉田四州縣貧民米穀。○又貸

河南省上年被災之商邱鹿邑永城三縣貧民倉穀。又貸陝西省上年被災之葭綏德清瀾米脂四縣貧民籽種。十三年貸山西省上年歉收之朔陽薩拉齊山陰岢嵐定襄五臺崞交城嵐平魯十一廳州縣貧民倉穀。又貸河南省上年被水之睢祥符陳留杞商邱甯陵永城鹿邑虞城夏邑柘城延津封邱考城河內泌陽內鄉汝陽上蔡新蔡淮甯西華商水項城沈邱太康扶溝息二十八州縣災民倉穀。又貸湖北省上年被水之漢川京山天門江陵公安石

首松滋七縣暨屯坐各衛軍民籽種。○又貸江西省上年被災之南昌新建進賢豐城都陽萬年星子都昌建昌安義湖口彭澤十二縣貧民籽種。○又貸湖南省上年被水之澧安鄉華容三州縣及岳州衛災民籽種。○十四年貸山西省上年被災之朔代陽曲應懷仁奇嵐甯武壽陽交城神池十州縣貧民倉穀。○又貸陝西省上年被災之葭神木府谷榆林綏德清澗米脂吳堡甯陝孝義定遠佛坪甄坪平利十四廳州縣貧民折色口糧。○又貸湖南省上年被水之

澧安鄉沅江華容四州縣貧民籽種。○又貸甘肅省上年被災之皋蘭伏羌平涼隆德鹽茶甯秦兩當成九廳州縣貧民口糧籽種。○十五年貸山西省上年被水之太原五臺保德三州縣貧民倉穀。○又貸江西省上年被水之南昌新建豐城進賢清江新喻新淦峽江廬陵吉水泰和萬安鄱陽餘干萬年星子都昌建昌安義德化德安瑞昌湖口彭澤上猶崇義二十六縣農民籽種。○又貸湖南省上年被水之安鄉華容武陵澧四州縣農民籽種。○又貸甘肅省上年

被災之靖遠秦二州縣農民耔種。○十六年。貸甘肅省上年被災之皋蘭金隴西甯達安定通渭西和平涼安化清水涇崇信靈臺鎮原十四州縣貧民口糧耔種。○又貸陝西省上年被災之沔略陽洋南鄭府谷榆林葭神木孝義九廳州縣貧民口糧。○又貸山西省上年被災之陽曲太原保德興臨汾陽文水交城甯武武鄉河曲定襄陽城陵川沁水十五州縣貧民倉穀。○十七年。貸山西省上年歉收之吉甯鄉陽高左雲五寨保德和順甯武八州縣貧民倉穀。○十

八年。貸甘肅省皋蘭隴西安定岷洮州平涼固
原隆德華亭甯正甯靈臺中衛十三廳州縣。及
東樂縣丞所屬上年歉收災民兩月口糧籽種。
○十九年。貸陝西省鳳安定定邊靖邊榆林葭
懷遠府谷神木九州縣被雹被旱貧民口糧籽
種。○又貸湖南省武陵縣被水貧民籽種。○又
貸甘肅省皋蘭固原甯環秦五州縣貧民口糧
籽種。○又貸齊齊哈爾黑龍江墨爾根三城暨
布特哈卜魁等處被旱被水旗站各丁口糧。○
二十年。貸山西省忻應保德興河曲偏關神池

五寨繁峙夏十州縣被旱災民倉穀。○又貸江
西省德化德安瑞昌湖口彭澤鄱陽餘千萬年
星子都昌十縣被水災民籽種。○又貸陝西省
榆林葭神木府谷吳堡五州縣被災貧民口糧
○又貸甘肅省甯秦秦蘭華亭環清水六州縣
被災貧民口糧籽種。○又貸

盛京白旗堡小黑山災戶一月口糧。○二十一年。
貸湖北省漢川沔陽江陵公安石首監利嘉魚
廣濟八州縣並屯坐各衛上年被淹軍民籽種
○又貸湖南省武陵縣上年被水貧民籽種銀。

○又貸甘肅省皋蘭縣上年被災貧民兩月口糧。並金安定會甯秦四州縣及沙泥州判所屬籽種銀。○又貸江蘇省上元江甯句容溧水高淳江浦六合江陰靖江金壇泰興十一縣上年災歉貧民一月口糧。○又貸山西省河曲縣上年被雹貧民倉穀。○二十二年。貸湖南省上年被水之武陵縣貧民籽種。○又貸江西省上年被水之德化德安瑞昌湖口彭澤星子都昌七縣貧民籽種。○又貸湖北省上年被水之嘉魚漢川黃梅廣濟潛江公安石首蒲圻監利九縣。

並屯坐各衛軍民籽種。○又貸陝西省上年被災之榆林懷遠葭神木府谷五州縣貧民口糧籽種。○又貸江蘇省歉收之山陽縣及淮安大河二衛軍民籽種。○二十四年。貸陝西省上年被災之定邊洋懷遠葭四州縣貧民籽種。○又貸山西省上年被災之大同文水汾陽三縣貧民籽種。○又貸陝西省被雹之葭州災民籽種。○二十六年。貸甘肅省上年被災之皋蘭渭源隴西安定會甯平涼靜甯隆德清水禮徵涇崇信十三州縣貧民籽種。○又貸山西省上年歉

收之太平。汾西左雲榆社平定孟垣曲趙城嵐
九州縣貧民倉穀。○二十七年。貸湖南省鳳凰
乾州永綏古丈坪保靖五廳縣屯丁苗佃籽種
口糧。○又貸河南省被災之輝汲新鄉獲嘉湯
陰商邱淇溫鄭滎澤汜水陳留新鄭十三州縣
貧民倉穀。○二十八年。貸山西省上年被災之
洪洞芮城垣曲甯遠四廳縣貧民籽種口糧。○
又貸湖南省被災之永綏鳳凰二廳各苗寨籽
種。○又貸山西省上年被災之吉汾陽陵川遼
榆社平定霍七州縣貧民倉穀。○二十九年。貸

江西省上年被災之南昌新建進賢鄱陽萬年
星子都昌建昌德化德安瑞昌彭澤十二縣貧
民籽種。○又貸湖南省上年被水之武陵龍陽
沅江湘陰澧安鄉六州縣貧民籽種。○又貸江
蘇省被水之山陽阜甯二縣淮安大河二衛災
民籽種口糧。○三十年。貸陝西省上年被災之
神木府谷二縣貧民籽種。○又貸湖北省上年
被水之武昌咸甯嘉魚蒲圻興國大冶漢川黃
陂孝感沔陽黃岡黃梅蘄天門江陵公安石首
監利荊門十九州縣暨屯坐各衛貧民籽種。○

又貸湖南省上年被水之武陵龍陽沅江澧華容益陽湘陰七州縣災民籽種暨鳳凰乾州永綏古丈坪保靖五廳縣苗丁口糧。咸豐二年。貸江西省上年被水之德化縣農民籽種。又貸湖北省上年被水之漢川公安監利三縣暨屯坐衛所軍民籽種。又貸山西省上年歉收之太原太谷翼城豐鎮河曲安邑夏聞喜永和遼萬泉十一廳州縣貧民倉穀。又貸伊犁回民籽種。又貸湖南省鳳凰乾州永綏古丈坪保靖五廳縣屯丁穀石。三年。貸山西省上年

被旱之托克托城農民籽種。○又貸山西省上年歉收之鄉甯永甯大同靈邱榆社五州縣貧民倉穀。○四年貸江西省上年被擾之建昌德化瑞昌興國都昌湖口彭澤七縣難民籽種口糧。○五年貸山西省汾陽臨歸化三廳縣貧民倉穀籽種。○又貸烏魯木齊奇臺縣貧民口糧。○六月。○六年貸湖南省鳳凰乾州永綏晃州古丈坪五廳苗疆丁佃籽種口糧。○七年貸山西省上年被水之托克托城歸化城薩拉齊三廳及洪洞曲沃長子潞城黎城絳六縣災民籽種。

口糧。○八年。貸山西省上年被災之虞鄉榆社。靜樂平定長治潞城黎城壺關永濟臨晉榮河。遼和順平陸垣曲太原文水鳳臺十八州縣。及清河薩拉齊二廳貧民籽種口糧。○又貸陝西。省上年被災之鎮安神木府谷米脂吳堡五縣。貧民籽種口糧。○十一年。貸山西省上年被災之薩拉齊太平臨汾洪洞徐溝榆次汾陽太原。太谷文水交城靈邱永和懷仁大甯和順十六。廳縣貧民倉穀。○同治元年。貸吉林三姓被水。地方旗丁銀暨官莊民丁穀價。○又貸黑龍江。

城歉收丁戶米石。○二年。貸河南省上年被擾之永城汝陽正陽新蔡確山信陽六州縣難民口糧兩月。○又貸山西省豐鎮遼襄陵大同懷仁武鄉蒲七廳州縣歉收地方倉穀。○六年。貸山西省垣曲曲沃絳三縣歉收地方倉穀。○七年。貸黑龍江齊齊哈爾兩城被旱地方旗丁籽種口糧。○又貸河南省滎澤中牟尉氏鄭鄢陵淮甯西華扶溝沈邱項城武陟修武河內十三州縣被水災民一月口糧。○光緒二年。貸山西省上年歉收之汾西孝義忻河曲四州縣貧民

倉穀